

बच्चन के ले बाइबिल
देत है



नहेम्याह
की महान
दिवाल



द्वारा लिखत: Edward Hughes

द्वारा चित्र: Jonathan Hay
Alastair Paterson

द्वारा अनुकूल: Mary-Anne S.

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



फारस, एक तागतदार देश ने, दुनियां पर राजु करो। अउरु
राजा अर्तक्षत्र ने फारस देश पर राजु करो। जाई ने बाई दुनियां
को तागतदार राजा बनाई दौ। राजा के जरुरी लोगन मा से
एक नहेम्याह नाउ को आदिमी
हतो। बाको कामु जहरीले खाना
से राजा की रक्षा करिबो हतो
बउ पहिले खाई के देखति हतो।



एक दिन, नहेम्याह बहुत उतरे मुंह से राजा के सामने आओ। राजा जनिबो चांहति हतो कि बाके संग का भौ हइ। नहेम्याह ने कही, “हे राजा, तुम सदा जिन्दा रहउ।” “हम दुखी इस लै हंइ क्योंकि मेरे बाप जहाँ दफनाए गये हंई, हुआं शहरु खंडरु परो हइ अउरु मोहरा जरे भै परे हंइ।” नहेम्याह ने यरूशलेम के बारे मा बात करी हती, जो कुल्लि सालन पहिले से लड़ाई मा नाशु करि दौ गओ हतो।



राजा अर्तक्षत्र ने पूछी, “तुम का चांहत हउ?” नहेम्याह ने निवेदनु करो, “हमइं यरूशलेम मा जान देउ कि हम दुबारा बनाई सकई।” राजा अर्तक्षत्र ने बा पर किरिपा करी बाकी बात मानी अउरु राजी हुई गओ। बाने बाई यात्रा के समय मा दुश्मनन से बचाउन के लै नहेम्याह कौ एक अधिकार की चिट्ठी लिखि के दई।



राजा ने बाकी अउरुउ मदति करी। बाने नहेम्याह कौ राजा के जंगलन के रखबारे, आसाप के लै एक चिठ्ठी दइ। नहेम्याह कौ शहर की दीवालन कौ बनाउन के लै जित्ती लकड़ियन की जरुरति हती आसाप कौ देन के लै हुकुमु दौ हतो।



जब नहेम्याह यरूशलेम मा पंहुचो, बाने शहर के अधिकारिन कौ जमा
करो अउरु कही, “हम सब जने हिआँ मुसीबति मा हंडा।” शहरु खण्डरु
करि दौ गओ हइ अउरु मोहरा जराई दै गये हंडा। “आबउ हम जाई
फेरि से बनइबो शुरू करई।” बाने कही कि राजा अर्तक्षत्र ने
मंजूरी दइ हइ अउरु सबसे जरुरी बात जा हई कि प्रभू
परमेश्वर हमारे संग हंडा।



नहेम्याह की आश अउरु हउसला ने लोगन कौ प्रेरित करो हुई। उन्ने जा बात से राजी होत भै, कही हुईही, “हाँ दुबारा बनाऊत हंइ।” नहेम्याह ने बनाउन के लै हरि एक परिवार कौ बताओ कि उनई दीवाल के कउन से हिस्सा मा कामु करिबे हइ।



लेकिन, सब लोग दीवाल के बनाऊन के लै राजी नाई भै। सम्बल्लत नाउ को एकु आदिमी हतो, अउरु बाके दुई दोस्त तोबियाह अउरु गेशेम, यहूदी नाइ हते अउरु बइ दीवाल कौ दुवारा या मोहरन कौ बनइबो नाइ चांहत हते।



जइसे – जइसे कामु चल्लि गओ, उइसेइ सम्बल्लत बहुत गुस्सा होति गओ। बाने अपने दोस्तन के संग यहूदियन को मजाकु बनाओ। तोबियाह ने कही, “जब बइ जा नन्ही दीवाल कौ बनाई दिहीं, तब एक छोटी लोमड़ी तक बाके टुकड़ा करि दी।” नहेम्याह ने जवाबु नाइ दौ। जाकी जगह पर, बाने परमेश्वर से दुआ करी। कि बउ उनके संग न्याय करई।



तब उनके मजाक की बेज्ती को काऊ पर फरकु नाइ परो, तब बइ
यरुशलेम के खिलाप लड़न के लै अउरु जित्तो हुई सकति हइ उत्ती
मुसिबति कन्न को जतनु बनाउन लगे। फिरि नहेम्याह ने परमेश्वर से
मदति के लै दुआ करी। बाने एक पहरेदार कौ
दिन अउरु राति के लै राखो की उनइ नई –
नई चीजन से चकित ना होन परई।



यहुदियन ने इतनी जादा
मिहिनत करी, कि बई थकि
गये हते। कुछु कौ डरु हतो कि
कामु कत्त के समय मा कछु
दुश्मन आइहीं अउरु उनइं
मारि डरिहीं। तंहूँ, नहेम्याह ने
बनइबे के काम कौ बंद नाइ
करो। बाने मजूरन के आसपास
पहरेदरन कौ राखि दौ अउरु
उनइं यादि दिवाई कि
परमेश्वर उनके पक्ष मा हंइं
अउरु दुश्मनन से जादा
परमेश्वर ताकददार हंइं!



नहेम्याह एकु अच्छो
उदाहरनु बनन की
कोशति कत्ति हतो।



राजा अर्तक्षत्र ने बाई यरूशलेम
को राज्यपाल बनाई दौ हतो।
बउ हुकुम के संग लोगन से
खाना अउरु पइसा माँगि सकति
हतो, लेकिन बाने अइसो नाई
करो। बाने खाली दिवाल
बनाउन बाले लोगन के संग
मिलिके कड़ी मिहिनति करी।
बाने खाना खरीदन
के लै अपने खुद
के रुपियन से
खरीदो।



आखिरकार, लोगन ने दिवाल बनइबो खतमु करि दौ। अउरु केवल पहिले बाले मोहरा मा दरबज्जो लगिबो बांकी हतो। जब सम्बल्लत, तोबियाह अउरु गेशेम ने जा सुनी कि अब दिवाल मा कोई दराजई नाइ बचीं हई। उन्ने नहेम्याह कौ निकुशान पंहुचाउन को जतनु बनाओ।



उन्ने ओनो नाउ की जगह पर उनसे मिलन के लै नहेम्याह के लै संदेशो पठौ। लेकिन नहेम्याह जांति हतो कि बइ बाई निकुसानु पंहुचाउन के लै शहर के बहिरारि बुलाउन की चालि चलत हंइ। बाने लिखि के उन लोगन से कही कि हम कामु छोड़ि के उन लोगन से मिलन के लै यात्रा नाई करिहीं।



अब दिवाल
बनाउन को कामु
खतम हुई गओ,



अउरु नहेम्याह ने जाई
बचाउन के लै पहरेदारन
कौ लगाई दौ।



बाने उनइ जोहो नियम
बताओ कि पूरे सुज्ज
निकरि आउन के
बादिअइ मा



जउ
मोहरा
खोलो
जइही।

राति के समय मा पूरी तरह
से बंद रहइ अउरु
खुलि ना पावई।



अब बउ शहरु सुरक्षित हतो, दुनियां भरि की अलगग – अलगग जघन से अनेक यहूदी बंधुआ यरूशलेम कौ बापिस भै। नहेम्याह बहुतु खुशी भौ हुइही कि सब मुसिबतन के बादिअउ मा, परमेश्वर को दौ भौ जऊ कामु खतमु करि लौ हतो। बउ यरूशलेम मा रुको अउरु लोगन कौ परमेश्वर के हुकुमन कौ मानन के लै उनकी मदति करी।



नहेम्याह की महान दिवाल
परमेश्वर के वच्चन से बाइबिल की एक कहानी
में पायी जाती है
नहेम्याह

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

